

Эвдршго ниигъар иньгддж бӕӕлгън

Октябрьск революцин агъу ик кӱцӱрсин негнъ—келн-ӕмтнӕй туск тӕриг чикӕр хагъӕлгън, мана тӕрскнӕ олд келн-ӕмтн ах-дӱ мет иньгддж, ниинцнӕгъу бӕӕлгъ токталгън болджана.

1917 джлин ноябрин 15-д Советск правительств „Арӕсӕн олд-ӕмтнӕй зӕвин декларац“ гаргъсмн. Эн декларацд Коммунистическ партъ кӱцӕхин тӕлӕ ноолддж йовх программин гол неквӕрмӱдн заргддж, йосна чидл зуусмн. Арӕсӕн цуг келн-ӕмтн ӕдлӕр эврӕн бийсн тӕрӕн медг болж; Арӕсӕн келн-ӕмтн салад гарат, талдан государств бурлӕх кӱртлӕн сулар эврӕнн туск тӕрӕн медх зӕвӕдлж; зӕрм келн-ӕмтн ик зӕв олзлдж, зӕрмсн багъ зӕв олзлдж йовдл урдн бӕӕсиг уурулж; багъ келн-ӕмтн сулар бсдж-ӕргддж йовх.

Эн декларацас иштӕ 1922 джилд Советск Социалистическ Республикнн Союз бурдсмн. Эн болхла тууджлгч ик чинртӕ йовдл болдж туссмн.

Иньгддж-хамцдж бӕӕддж, нег-негидӕн дӕвн-нӕкд болдж йовсна ашдн СССР-н олд-келн-ӕмтн социализм тосхлгъна аль болв чигн хаалгъарн агъу ик диилвр кӱццӕв.

„Мана орн-нутгин келн-ӕмтс цугъар иньгдлгън болн социалистическ интернационализмн ухан-седклин сургъмджд авад, хамцнӕгъу ах-дӱгънн булд, социалистическ келн-ӕмтсин тууррсин иньгдлгънд мӕнӕкндӕн батрдж хамцв“—гидж СССР-н Деед Советин Советск Союзин олд келн-ӕмтсӱр кесн дуудврт келгдджӕна.

Келн-ӕмтнӕй туск ленинск политик СССР-т диилсинь Советск социалистическ келн-ӕмтнн республикс аль-бис халхарн дегц делгӱ бсдж йовхнн ӱзӱлнӕ. Захин союзн эс-гидж автономн республик авад хӕлӕгъӕд терӱг меддж болхмн.

Ӱлгӱринь келхлӕ, 1913 джилд бӕӕснӕ дунгӱцӱлхлӕ, 1956 джилд промышленн цуг продукциян кирӕнн Азербайджанск ССР-т—13 холван, Таджикиск ССР-т—27 холван, Киргизск ССР-т—42 холван бсв.

Селӕнӕ эдл-ахуг бсглгъӕр бас агъу ик диилвр кӱцгдв. Узбекск олд-ӕмтнӕй кӱч-кӕлсӕн ӕрвлгӕ кӕдснӕ, эднд Коммунистическ партъ болн Советск правительств кӱчтӕ дӕвн-нӕкдӕн кӱрснӕ ашдн, Узбекск ССР 1956 джилд 2 сай 858 мингън тонн кӕвнӕг орн-нутгт орулдж бгв. Энн 1913 джилд бснӕс 5,5 холван ик, цуг нарт делкӕд авсн кӕвнӕгн 13 процентн болв.

Казахстанд 20 сай даву гектар эмг газр шинӕс олзлгдв. Казахск ССР 1956 джилд орн-нутгт 1 миллиард пуд буудӕ орулдж бгӕд, мана Тӕрскнӕ буудӕ гаргъач ийлгӱ чинртӕ республикд хӱврв.

Келн-ӕмтнӕй республикст болн тангъгъсд культури тосхлгън халхар бас агъу ик диилвр кӱцӕв. Ӱлгӱринь, урдн болхла делгӱ сургӱль уга бӕӕсн Таджикистанд ода ах болн дундин сургӱльта 40 мингън даву специалистср. 330 мингън сургӱльчнр, 16 мингън студентср бӕӕнӕ.

Мана орн-нутгин олд-ӕмтнӕй иньгдлгч-ниинцнӕгъу бӕӕлгънн тосхлгъна тӕвшӱн джилмӱдт болв чигн, тер мет Тӕрскнӕ Алдр дӕн болсн джилмӱдт чигн бсдж, батрад йозсмн.

Дӕӕнӕ хӕбгк тосхлгнн тӕвшӱн цагин эргд мана орн-нутгин олд-ӕмтнӕй иньгдлгч-ниинцнӕгъу бӕӕлгънн улм батрв.

КПСС-н XX-ч хургин шиндврмӱд олд келн-ӕмтн ниинцнӕгъу цаарандн бӕӕхиг улм теккӱжӕнӕ. Коммунистическ партъ болн Советск правительств сӱулин джилмӱдт союзи республикнн авчӕх зӕвинь цаарандн икдӱлхнн тускар кӱцӕсн керг-ӱлдврн бас ик чинр зууджӕнӕ.

Эдл-ахугъан болн культури тосхлган бргнӕр делгӱрулдж, СССР-н олд келн-ӕмтнӕй булд бактдж, мана Хальмг тангъгъч уралан бас йовдж йовна.

Урдн, революц болхин бмн, Хальмг тангъгъч угатӕ болн харнӕгъу, Арӕсӕн багъ келн-ӕмтнӕй негн болдж йовла. Октябрьск революцин бмн тангъгъчд зуг 20 школ бӕӕсмн, энундн баячудин 600 кӕвӱд-кӱӱкд сурч йовла.

Ода болхла Хальмг тангъгъч эдл-ахугъарн байн болдж эрдм-сургӱулин, культури тосхлгнн халхарн. ил диилвр бӕрсн Октябрин 40-ч бӕниг байрта кевӕр кев. Тангъгъчд ода 218 школ кӕдлджӕнӕ, энундн 19 мингън кӕвӱд-кӱӱкд сурч бӕӕнӕ. Тангъгъчин 2 газет гарна, дектр гаргъач издательств бурлв, научн-исследовательск Институт гарв.

Коммунистическ партъ болн Советск правительств хальмг келн-ӕмтнӕй тангъгъч эдл-ахугъарн болн культури тосхлгарн хурдар бсхд ик онгъ-килмдӕн тӕвнӕ.

1957 джилд тангъгъчин эдл-ахуг бсгддж-ӕргхд 73 сай арслнӕ бггдсн болхла, 1958 джилд 280 сай арслнӕ гаргъгдв.

Партин болн правительствин бгчӕх килмджд хӕрӱ гидж Хальмг тангъгъчин кӱч-кӕлсчнр кӕдлмштӕн шин диилвр кӱцдж, соцдӕрлдӕ делгӱрулдж кӕдлдж бӕӕнӕ, орсин болн талин келн-ӕмтнӕй ни-иньгддж бӕӕлгъӕн улм батлдж йовна.

Советск Союзин олд келн-ӕмтн ни-иньгддж бӕӕлгъч—мана орн-нутгин гӕнӕгшго чидл-кучнн.

А. МАРУСЕНКО,
КПСС-н балгъсна комитетн
лек